

大方等大集喜蔭念佛三昧分經

第六

九十九

伐六

47761



元祿九年丙子二月日重脩

皇圖聖圖 帝階級呂

佛日增輝 懋輪常轉

山城州天安寺法金剛院置

大方等大集菩薩念佛三昧分經卷第六 伐

隋天竺三藏達磨笈多譯

佛作神通品第七

尔時世尊自袈裟內出金色手摩彼不空見  
菩薩摩訶薩頂復出廣長舌相即告不空見  
菩薩言善哉善哉汝不空見汝今乃能為諸  
衆生如是歎說如來應供等正覺真實功德  
也不空見若有說言世間衆生無救護時是  
中必有能救護者出現世間為作救護不空  
見當知即是善說如來也復次不空見若復  
說言世間衆生無歸趣時是時必有不思議  
辯才無量辯才出現於世能與衆生作大歸

依不空見當知即是善說如來也復次不空  
見若復說言世間衆生多貪欲行多瞋恚行  
多愚癡行是時必有無欲恚癡大師出世爲  
除三毒不空見當知即是善說如來也復次  
不空見若復說言世間衆生多慳悋時多嫉  
妬時是時必有遠離慳嫉好行布施大師出  
興爲破慳嫉不空見當知即是善說如來也  
復次不空見若復說言世間衆生無有慚愧  
羞耻之行是時必有慚愧羞耻大師出世除  
無慚耻不空見當知即是善說如來也復次  
不空見若復說言世間衆生多行憍慢貢高  
之事是時必有和敬調柔大師出世爲除憍

慢不空見當知即是善說如來也復次不空見若復說言世間衆生無有慈悲不能喜捨多行瞋恚穢濁毒心是時必有斷除瞋毒具足四等導師出世教修慈悲大利益事不空見當知即是善說如來也復次不空見若復說言世若多惡無善衆生其有能教令生善根先有善根令其增廣如是利益大師出興不空見當知則是善說來來也復次不空見若復說言五濁惡世衆生病增世有大人能行利益道可以出法安樂衆生不空見當知是言則謂我也所以者何吾今出於五濁惡世宣揚妙法斷除邪垢能多利益諸衆生故

今時世尊手摩不空見菩薩頂時即以神力  
於一念間令此大衆咸見東方無量無邊不  
可說阿僧祇現在一切諸佛國土彼國土中  
諸佛世尊未滅度者及彼衆生一切境界皆  
悉現前聞亦彼佛說法音聲亦見彼刹清淨  
莊嚴種種具足如是乃至南西北方四維上  
下十方所有諸佛淨土一切境界明了現前  
若觀掌中菴摩勒果又復世尊以手摩彼不  
空見菩薩摩訶薩頂時以佛神力及不空見  
本願因緣於一念間即見十方無量無邊阿  
僧祇不可數過去諸佛入涅槃者乃至彼刹  
清淨莊嚴了了分明若觀手掌又蒙佛力亦

見當來諸佛世尊清淨刹土莊嚴具足今時  
不空見菩薩摩訶薩以本願力承佛威神盡  
見十方三世諸佛及彼佛刹清淨莊嚴已為  
重宣此義即從坐起正持威義偏袒右肩右  
膝著地合掌向佛以偈頌曰

三千世界所有水

若人欲量皆可知

調御丈夫天人師

戒行深遠孰能測

須弥高廣最巍巍

羸老病人口吹散

世尊初入於禪定

億百千劫難可了

虛空足量能盡邊

四方亦可步其際

世尊大師等正覺

智慧甚深無源底

虛空平等無罣礙

可為暴風所飄動

如來本性無煩惱  
日輪圓滿處空中  
如是阿羅仙種姓  
又如秋月合昴宿  
如是滿月大法王  
若優曇華甚希有  
諸天中天調御師  
卅尊妙手摩我頂  
不可毀壞悉具足  
卅尊真言及實語  
普徧十方世界中  
蒙卅尊手摩頂時

貧患癡毒何所居  
清淨光闡徧世界  
於此天衆而曜暉  
威光超卅挺衆星  
焰赫獨出天人上  
時乃一遇不出世  
有時而現隨意感  
金色百福相莊嚴  
其為利益斯若是  
人中法王轉正輪  
甚為利益悉自在  
我見十方最上人



如恒河中說沙數  
大牟尼尊手加我  
猶恒河中筭沙數  
如來慈手親摩覺  
阿闍應供兩足尊  
我蒙世尊神手觸  
於一念頃如恒沙  
世尊以手摩我時  
如彼當來一切事  
過去諸佛我已見  
十方三世諸如來  
世尊以手摩我時

大威德仙衆多彼  
即見諸佛如彌陀  
人中最勝衆多彼  
極樂世界我見知  
大悲光闍作饒益  
盡見世間滅度尊  
大慈降伏諸根者  
亦覩彌勒管諸願  
了了明白无復疑  
未來現在亦復然  
神通德力難稱說  
普見十方救世者

并覩諸佛清淨刹  
諸佛神通難思議  
諸餘功德不可說  
如來下手摩我時  
衆寶金色如恒沙  
諸佛皆具大名稱  
百千樂音以供養  
彼刹復有諸佛塔  
高大過於一由旬  
復見大尊諸塔廟  
亦有住於虛空中  
我復見彼諸勝塔

我因更發最上願  
戒定智慧亦如是  
惟願如今常教示  
即見十方諸塔廟  
具足種種微妙供  
彼彼相好充十方  
我見彼刹悉如是  
金縷間錯寶瓔珞  
端正莊嚴皆若此  
衆寶雜廁甚精華  
常以天華散其上  
涌出高滿十二旬

彼諸佛所名燈然  
世尊以手摩頂時  
彼佛各有大名稱  
世尊手摩我頂時  
彼或燒身或受辱  
各於自刹修苦行  
勇猛如誓度衆生  
我又親見十方刹  
自剎身肉然多燈  
我又復見清淨身  
至彼世尊涅槃已  
我又復見爲法人

光明徧照十方刹  
我見妙塔不可說  
其間皆悉如來力  
於是得見諸佛刹  
種種行類不可宣  
無有晝夜如救然  
皆爲無上菩提故  
有諸菩薩常辛勤  
彼爲菩提光明故  
於諸佛前常立住  
爲求菩提大德故  
香油灌身然燈炬

苦身精意徧十方  
我又更見諸丈夫  
妻子王位與國城  
如我所見無遺餘  
我所知見最勝等  
世尊威神加持故

終不繫心財食類  
恒捨頭目及身手  
悉令群生獲安樂  
不可口言而宣說  
蒙佛威靈故徧觀  
今我見斯希有事

吉祥第一天中天

我今歸依最無上

大方等大集菩薩念佛三昧分見無邊佛廣請問品第八  
尔時不空見菩薩摩訶薩白佛言世尊今此  
一切天人大眾既見世尊久處禪定默無言  
說咸生渴仰惟願世尊俯就斯座尔時世尊  
聞不空見菩薩摩訶薩為彼天人大眾請已

端身正念默然許之。尔時不空見菩薩既蒙  
默許，偏袒右膝著地，合掌向佛，復白佛  
言：世尊，我今欲問。若聖聽者，乃敢發言。佛告  
不空見：如來應供等正覺隨汝所問，當爲汝  
說。斷汝所疑。今尔心喜，然是天人梵魔沙門  
婆羅門等，皆當證知。時不空見菩薩摩訶薩  
承佛教已，即便白言：世尊，菩薩摩訶薩應當  
思惟何等三昧？應當親近何等三昧？應當修  
行何等三昧？如是菩薩思惟親近及以修行  
此三昧已，現見何法而得安樂？云何當得如  
大海多聞受故？云何當得如須彌山？菩提心  
安住不傾故？云何當得如大鐵圍山一切外

道邪論不能動故云何當得如虛空一切法  
無礙故云何當得如虛空心無染著故云何  
當得如日輪破除一切無明闇故云何當得  
如月輪白淨法圓滿故云何當得如燈輪作  
法光明故云何當得如大炬一切受陰滅故  
云何當得如火聚焚燒一切諸煩惱故云何  
當得如河池泉源一切衆生隨意受用故云  
何當得如大船一切衆生度彼岸故云何當  
得如橋梁不沒生死煩惱中故云何當得降  
伏衆敵破壞魔軍諸憍慢故云何當得如波  
利質多羅樹爲一切諸方所有衆生開七菩  
提華香風普熏故云何當得如優曇鉢華希

有難得故云何當得如藥王等療一切衆生  
病苦故云何當得如大醫王起大悲心愍傷  
衆生故云何當得如栴檀樹除衆熱惱作清  
涼故云何當得如大雲雨等注法雨令滿足  
故云何當得如蜜器能具足說一味法故云  
何當得如師子吼能與一切衆生無怖畏故  
云何當得如父母等與一切衆生安樂利益  
故云何當得見眞法至如法性實際彼岸故  
云何當得解釋深趣至實義彼岸故云何當  
得巧說法辯至能分別彼岸故云何當得善  
巧說法至具足方便彼岸故云何當得分別  
了義善知字句法故云何當得正意正行具

知足故云何當得統御大衆無所畏故云何  
當得說如實義入實際故云何當得如大海  
一切法同一味故云何當得如大山三昧安  
靜無能動搖故云何當得如門闌亦云帝釋幢也菩提  
心不可動轉故云何當得堅固力心志具故  
云何當得具足威儀不作虛諂故云何當得  
端正身為他歡喜說法故云何當得最妙最  
上色相故云何當得尊貴大姓家生故云何  
當得大法王福報功德故云何當得具足無  
量辯才故云何當得不取著辯才故云何當  
得不錯辯才故云何當得分別種種名字句  
辯才故云何當得不思議辯才故云何當得



無邊辯才故云何當得解脫辯才故云何當

得同義就亦云成辯才故云何隨他意義辯才

故云何當得漸親近辯才故云何當得所問

能答辯才故云何當得無問自說辯才故云

何當得不毀壞辯才故云何當得無退轉辯

才故云何當得甚深句字種種說辯才故云

何當得無量無邊譬況辯才故云何當得未

證大菩提已能具足梵音聲故云何當得第

一微妙音聲故云何當得迦陵頻伽音聲故云

何當得師子王音聲故云何當得大龍王音

聲故云何當得大牛王音聲故云何當得大

鍾鼓音聲故云何當得勝妙歌讚音聲故云

何當得樂絃音聲故云何當得哀婉清美音  
聲故云何當得風雲雷震音聲故云何當得  
甚深莊嚴辯才音聲故云何當得諸妙語言  
文字章句真正莊嚴辯才音聲故云何當得  
甚深能大巧說音聲故云何當得種種譬喻  
辯才音聲故云何當得一切世間最勝供養  
音聲故云何當得其他論義辯才音聲故云  
何當得神通彼岸音聲故云何當得不忘失  
法音聲故云何當得不缺少善法音聲故云  
何當得諸善根行具足他讚音聲故如是一  
切悉皆具足今時不空見菩薩摩訶薩發如  
是等諸疑問已爲重宣此義以偈問曰

具足金色百福相  
最勝功德我今問  
如來妙智無等倫  
我今請尊修何定  
天人大師上調御  
菩薩於此云何修  
云何自然多聞海  
得住諸佛功德處  
是中都無恚恨心  
云何無礙如虛空  
云何如日復如月  
云何為衆作光明

能覺一法利無邊  
何等三昧先應思  
世間寧有加上者  
所獲功德不思議  
思惟是定何功能  
而能安樂於一切  
云何守護決定心  
云何如大鐵圍山  
而能降伏諸外道  
云何復得心自在  
云何同炬亦如燈  
云何復須觀三昧

云何解脫諸煩惱

云何發心苦輪中

云何波利質多樹

云何如彼優曇華

云何施藥不望報

能除眾生諸熱病

云何當得如法寶

云何甚深微妙法

云何得此師子音

云何等益如父母

云何能得妙辯才

云何說彼最勝道

云何能度生死岸

獨超三界無與等

大人相好妙莊嚴

勇健雄猛不出世

良醫救苦調御師

安住淨戒得清涼

無量功德度彼岸

猶蜜甜味妙無加

能令眾生無怖畏

得彼深樂不思議

行於菩提大名稱

云何而得無礙智

云何於義能巧便  
云何分別名句身  
云何正念與正行  
云何多聞如大海  
云何說彼諸衆生  
云何諸法無差別  
云何如山定無動  
云何一心無餘業  
云何具足諸威儀  
云何常生大姓家  
云何得彼無量辯  
云何字句義深微

云何妙知諸法相  
云何出世法及出世  
云何知足具思惟  
云何歎佛真實德  
生死根本如實際  
猶如大海同一鹹  
不退轉心如門闌  
但求無上大菩提  
身相端嚴見者喜  
亦受法王大福聚  
所有言論世莫思  
我今請問護世者

云何無上難得勝  
云何同義稱根性  
云何未證具梵音  
迦陵頻伽聲可愛  
云何師子大龍音  
云何世尊得絃樂  
云何獲彼甜味  
云何功德音無毀  
云何多種譬喻音  
云何所出善語音  
云何有中獲宿命  
云何修行無疲倦

親近真辯無遺忘  
若問不問斯相應  
其聲清婉甚微妙  
大智雄猛聲遠聞  
更得深重牛王吼  
具足種種諸器聲  
而常演說衆欣樂  
其出如風若震雷  
能宣甚深諸言說  
云何諸法不忘失  
彼諸神通云何修  
徧知一切諸善法

如是諸法不思議

自然輪轉徧十方

世尊我皆無復疑

是故今問歸依處

尔時不空見菩薩摩訶薩慇懃鄭重如是問  
已即以神力身昇虛空於虛空中自然化作  
天寶華蓋莊嚴微妙七寶所成謂金銀琉璃  
玻瓈碼碯砮磈真珠具如是等種種寶飾彼  
寶蓋中雨種種華而彼衆華右遶三帀任佛  
頂上即彼華中以偈歎曰

歸命丈夫大調御

無上正覺兩足尊

一切世間天人輩

寧有可以比類者

長夜黑闇諸衆生

愚癡顛倒墮邪道

極尊明智世間眼

能令還復平正路

失於清白法種子

衆生煩惱內燒心

勝尊猶如世父母

能令安止白法處

遺喪善法深利人

後世方將可怖畏

最尊成就大慈行

爲諸衆生真導師

一切衆生無善利

無有覆護無救者

希有大悲教世師

世尊真爲作救護

尔時華中說是偈已彼華方至如來足上須

臾即飛徧往三千大千世界徧諸佛前施散

供養彼寶蓋中復出栴檀末團大如車軸至

如來身忽然不現而彼栴檀香氣微妙充滿

三千大千世界所有衆生得聞此香皆悉受

於上妙快樂猶如菩薩入第四禪



尔時不空見菩薩摩訶薩示現如是神通事  
已即白佛言世尊是諸菩薩摩訶薩等云何  
當得如斯智慧所謂大智慧速疾智慧機捷  
智慧猛利智慧無相智慧巧入智慧甚深智  
慧廣普智慧無畏智慧圓滿智慧云何復得  
不可筭數不可稱量諸妙善根所謂心如金  
剛善根穿徹一切法故心如迦隣提衣柔軟  
善根能作業故心如大海善根攝諸戒聚故  
心如平石善根任持一切事業故心如山王善  
根發生一切善法故心如大地善根負持衆  
生事業故得心不隨他行善根遠離非法教  
誨故得心善修行善根一切法安住故得不

壞信善根於諸如來所行之處不疑惑故信  
一世界自然徧見十方諸佛亦聞彼佛宣說  
妙法復見菩薩聲聞大眾又覩佛刹清淨莊  
嚴受用等事悉無疑故乃至攝受決定善根  
於一切時自利利他故世尊如我今者實為  
自利復欲利益諸衆生故請問如來也世尊  
我今復為弘廣衆生淨信心故請問如來也  
世尊我今復為彼諸菩薩摩訶薩輩具足圓  
滿不思議善根故請問如來也世尊我復為  
斯被大精進弘誓鎧甲諸大菩薩摩訶薩故  
請問如來也世尊有諸菩薩摩訶薩輩於生  
死中發大精進為一切衆生而亦不取衆生

之相然是菩薩摩訶薩雖於生死煩惱中長  
夜度脫一切衆生而實不住生死煩惱想世  
尊我爲如是諸衆生故請問如來也世尊有  
諸菩薩摩訶薩等行慈悲時於諸衆生都無  
瞋恨設諸衆生訶責罵辱楚撻搥打種種苦  
迫如是菩薩於衆生所終無報荅乃至不起  
嫌心不失本願無異分別及餘思惟一心修  
行大慈大悲世尊我爲如是任於大乘諸菩  
薩故請問如來也世尊有諸菩薩摩訶薩輩  
爲衆生故欲捨己樂及諸樂具欲受一切熾  
然大苦發如斯念我當云何令一切衆生得  
最勝樂令一切衆生得大法明世尊彼諸菩

薩如是念時凡所有物若內若外無不施者  
無不益者無不饒者世尊我爲如斯諸菩薩  
故請問如來也世尊有諸菩薩摩訶薩輩被  
著如是精進鎧時發如斯念我今當應爲一  
一衆生於恒河沙劫住大地獄受諸苦惱猶  
入出息不以爲苦亦不退沒菩提之心世尊  
我復爲是諸菩薩故請問如來也世尊有諸  
菩薩摩訶薩輩被著如是精進鎧已發如斯  
念我今當爲一切衆生報諸事業廝役服勤  
種種承事不以爲苦於是或爲奴婢或爲僕  
隸或爲僮從或爲弟子我應如是乃至爲作  
種種眷屬成熟衆生世尊我復爲是諸菩薩

故請問如來也。世尊有諸菩薩摩訶薩輩爲一切衆生故發大勇猛修諸苦行捨身手足頭目髓腦或時節節支解其形析骨消髓不以爲苦無有休懈方更熾然於阿耨多羅三藐三菩提事。世尊我爲如斯諸菩薩故請世尊耳。尔時不空見菩薩摩訶薩如是問已爲重宣此義以偈頌曰

我問天師諸勝智

大智彼等云何成

云何速智及捷疾

利智聰明能通達

何因得彼甚深智

盡無邊智爲我宣

如廣普徧一切智

是爲最勝求菩提

云何當得無怖畏

具足善巧爲我說

云何而得金剛心  
云何得是柔軟心  
云何如山不動轉  
云何行行不隨他  
云何而得不壞信  
云何得彼生念智  
徧觀諸佛及聞法  
其身不離於一刹  
妙華衆香及塗香  
心任此刹無他緣  
親承奉事彼諸佛  
無請我今爲行慈

一切法中無疑惑  
戒行清明淨如海  
菩提決定願莊嚴  
於義明了得安住  
諸佛所作無復疑  
住於一界現十方  
并大集衆亦明了  
而能供養十方尊  
諸餘衆具難可說  
身現十方無量土  
悉由神通力無邊  
任於慙愧修行者

不自利己常益他  
諸有發心求佛智  
如是三昧云何修  
被此忍鎧為衆生  
彼等已離衆生想  
彼輩常任平等心  
常能成就慈悲者  
是中應行何等法  
所得功德無有邊  
被弼誓鎧勇猛人  
大地獄中受焰苦  
彼等無睡亦無疲

為斯我請大名稱  
善根成熟不思議  
我故為彼問無著  
我要當拔諸重苦  
為斯故問正覺真  
觀察衆生無異想  
我為彼故問如來  
速得如是不思議  
我為彼故請調御  
為一衆生恒沙劫  
善哉安樂諸衆生  
內外諸物無不施

如是攝受衆生者  
呵責毀辱及捶罵  
爲他奴婢及僕隸  
無量百千數億頭  
當捨頭時極歡喜  
爲諸衆生而更捨  
救解失道衆生類  
又施妻妾及男女  
亦捨上妙衆器具  
捨身命財無厭倦  
心常寂滅行頭陀  
真實妙語恒繫心

我今爲彼問普觀  
身受煎迫衆事苦  
皆由斯輩請世尊  
有來求者皆能捨  
爲求無上妙菩提  
手足及以身餘股  
除撥生死還正路  
七寶珠玉及金銀  
我爲彼故問如來  
長夜聽說不疲勞  
我以彼故問正覺  
重鄙惡言聞即離



而於他所無嫌恨  
常以慈心觀衆生  
而於怨親行平等  
現有如斯諸功德  
其或未具諸衆等  
世尊我今有善根  
藉此菩薩諸功德

我緣彼故諮自在  
其猶父母愛一子  
故我為彼請人王  
然我今日已宣陳  
我亦為是諮問佛  
初發問時便剋獲  
速證寂靜三昧王

佛說大方等大集菩薩念佛三昧經卷第六

伐

慳悒

上口間反  
下良刃反

昂宿

上音  
外

阿闍

下昌  
六反

剋身

上烏

官反

門闌

下門

魚列反

甜

徒添反

鹹醎

二同  
咸

也盞味也

楚撻

下他

搗打


上竹瓜

廝殺

上音

斯也

僕 隸  
 帝 下  
 及 零  
 捶 下  
 一 字  
 打 委  
 也 及  
 股 內  
 音 古  
 也 腿  
 鄙 及  
 碑 美  
 藉此



猪飼順良寄附

